



Resolución reitoral do 31 de marzo de 2025 pola que se convocan as eleccións de decanas e decanos de facultade e directoras e directores de escola da Universidade da Coruña

Ao abeiro do que establecen os Estatutos da Universidade da Coruña e o Regulamento electoral xeral, aprobado polo Consello de Goberno na súa sesión do día 28 de setembro de 2016 (en diante REX), e en uso das facultades que me atribúen os devanditos estatutos, RESOLVO convocar as eleccións de decanas e decanos de facultade e directoras e directores de escola da Universidade da Coruña, nas condicións e segundo o procedemento que figura no anexo I e no calendario que figura no anexo II.

Esta resolución publicarase no Taboleiro Electrónico Oficial da Universidade da Coruña.

O reitor

Ricardo J. Cao Abad



ANEXO I

I. COLEXIOS ELECTORAIS

O colexio electoral correspóndense coas xuntas de facultade e de escola de cada un dos centros que se relacionan a continuación:

- Escola Técnica Superior de Enxeñaría de Camiños, Canais e Portos
- Escola Técnica Superior de Náutica e Máquinas
- Facultade de Ciencias
- Facultade de Ciencias da Comunicación
- Facultade de Ciencias da Saúde
- Facultade de Ciencias do Deporte e a Educación Física
- Facultade de Ciencias do Traballo
- Facultade de Dereito
- Facultade de Filoloxía
- Facultade de Fisioterapia
- Facultade de Informática

II. PERSOAS ELIXIBLES

Son elixibles os membros da xunta de centro que teñan a condición de profesorado con vinculación permanente á Universidade adscrito ao respectivo centro, logo de seren proclamados candidatos de forma definitiva (artigo 39 do REX).

III. PERSOAS ELECTORAS

Son persoas electores todos os membros da xunta de centro que figuren no correspondente censo electoral (artigo 38 do REX).

IV. PRAZO E FORMA DE PRESENTACIÓN E PROCLAMACIÓN DE CANDIDATURAS

Poden presentar candidaturas as persoas elixibles. As candidaturas irán dirixidas á presidenta da Comisión Electoral Central e presentaranse dentro do prazo establecido no calendario do anexo II no rexistro do centro correspondente. As



persoas responsables do rexistro remitirán as candidaturas presentadas por correo electrónico ao enderezo comision.electoral@udc.gal (artigo 15 do REX).

O escrito, asinado pola candidata ou candidato, conterá os seguintes datos:

- Nome e apelidos
- Número do documento oficial de identificación
- Centro e departamento a que está adscrito

A proclamación provisoria de candidaturas realizarase pola Comisión Electoral Central e publicarase na páxina web da UDC.

Dentro do prazo establecido no calendario do anexo II poderán presentarse recursos e solicitudes de rectificación por correo electrónico ao enderezo comision.electoral@udc.gal. Os recursos e as solicitudes de rectificación deberán resolverse no prazo establecido no calendario do anexo II.

Se non se presentasen recursos nin solicitudes de rectificación no prazo fixado, ou unha vez que se resolvan, a Comisión Electoral Central procederá á proclamación definitiva de candidaturas.

Se o número de candidaturas definitivas proclamadas fose só unha, a persoa candidata definitiva será proclamada electa sen necesidade de proceder á votación (artigo 16 do REX).

V. REUNIÓN EXTRAORDINARIA DA XUNTA DE CENTRO

1. A decana ou decano de facultade en funcións, ou directora ou director de escola en funcións, deberá convocar os membros do órgano colexiado a unha reunión extraordinaria para a elección de decana ou decano, ou directora ou director, dentro do prazo sinalado no calendario do anexo II.

Co fin de que todas as persoas electoras poidan exercer o dereito ao sufraxio, as decanas ou decanos de facultade, ou directoras e directores de escola evitarán que a reunión extraordinaria coincida con calquera outra reunión de órganos colexiados no centro.

A sesión extraordinaria da xunta de centro será presidida pola decana ou decano de facultade en funcións, ou directora ou director de escola en funcións, salvo que se presentar como candidata ou candidato, en cuxo caso presidirá o membro de máis idade presente na xunta. Actuará como secretaria a persoa que o for do centro, salvo que se presentar como candidata, en cuxo caso será substituída polo membro presente que designar a presidencia.

As papeletas, que serán elaboradas polo centro, conterán a relación de candidaturas proclamadas definitivamente, colocadas por orde alfabética, e un recadro ao lado para marcar o voto a favor da candidatura, nos termos dispostos no artigo 20 do REX.



2. A presidencia concederá un espazo de 15 minutos a cada candidata ou candidato para estes exporen ante a xunta o seu programa e, a continuación, outros 15 minutos para responderen as preguntas que lles formularen os membros da xunta. Finalizadas as intervencións, procederase á votación, que será nominal e secreta.

Será proclamada decana ou decano de facultade, ou directora ou director de escola, a persoa candidata que en primeira volta obtiver o voto da maioría absoluta dos membros da xunta.

3. No caso de non haber ningunha persoa candidata que obtiver a maioría absoluta, procederase a unha segunda votación na mesma sesión da xunta, en que resultará elixida a persoa candidata que obtiver un maior número de votos.

4. O resultado da votación será comunicado á Comisión Electoral Central para os efectos da súa publicación (artigo 41 do REX).

VI. PROCLAMACIÓN PROVISORIA E DEFINITIVA DE CANDIDATAS ELECTAS

A proclamación provisoria e definitiva de persoas candidatas electas será realizada pola Comisión Electoral Central e publicarase na páxina web da UDC.

Dentro do prazo establecido no calendario do anexo II poderán presentarse recursos e solicitudes de rectificación por correo electrónico ao enderezo comision.electoral@udc.gal.

Os recursos e as solicitudes de rectificación deberán resolverse no prazo establecido no calendario do anexo II.

Se non se presentaren recursos nin solicitudes de rectificación no prazo fixado, ou unha vez que se resolvan, a Comisión Electoral Central procederá á proclamación definitiva de candidaturas electas.



ANEXO II

CALENDARIO ELECTORAL

1. Convocatoria de eleccións (publicación): 1 de abril de 2025 (martes)
2. Publicación do censo electoral provisorio: 2 de abril de 2025 (mércores)
3. Prazos de presentación e resolución de recursos e solicitudes de rectificación do censo electoral provisorio:
 - Prazos de presentación: do 3 de abril (xoves) ao 7 de abril de 2025 (luns), até as 14:00 horas
 - Prazos de resolución: do 8 de abril (martes) ao 10 de abril de 2025 (xoves)
4. Data de publicación do censo definitivo: 11 de abril de 2025 (venres)
5. Prazo de presentación de candidaturas: do 22 de abril (martes) ao 28 de abril de 2025 (luns), até as 14:00 horas
6. Proclamación provisorio de candidaturas: 29 de abril de 2025 (martes)
7. Prazos de presentación e resolución de recursos e solicitudes de rectificación da proclamación provisorio de candidaturas:
 - Prazos de presentación: do 30 de abril (mércores) ao 2 de maio de 2025 (venres), até as 14:00 horas
 - Prazos de resolución: do 5 de maio (luns) ao 6 de maio de 2025 (martes)
8. Proclamación definitiva de candidaturas: 7 de maio de 2025 (mércores)
9. Campaña electoral: do 8 de maio (xoves) ao 12 de maio de 2025 (luns)
10. **Data da votación: 14 de maio de 2025** (mércores)
11. Proclamación provisorio de candidaturas electas: 15 de maio de 2025 (xoves)
12. Prazos de presentación e resolución de recursos e solicitudes de rectificación da proclamación provisorio de candidaturas electas:
 - Prazos de presentación: do 16 de maio (venres) ao 19 de maio de 2025 (luns), até as 14:00 horas
 - Prazos de resolución: do 20 de maio (martes) ao 22 de maio de 2025 (xoves)
13. Proclamación definitiva de candidaturas electas: 23 de maio de 2025 (venres)